

*fortiter angustato, strictura apicali distincta; hemielytris lævibus, opacis, maculatim griseo-pubescentibus, embolio late incrassato, corii vena unica usque ad medium impressa dein abrupta, fractura laterali cunei profunde excisa, cuneo declivi, latitudini æque longo; coxis posticis ab epipleuris hemielytrorum remotis; pedibus breviusculis, femoribus posticis usque ad medium marginis superioris sat tumido-convexis, dein usque in apicem parallelis, tibiis muticis.*

6. **C. femoralis**, n. sp. — *Niger, opacus, capite, pronoto scutelloque pube longa densa cinerea tectis, capite utrinque lineolis transversalibus denudatis, maculis lateralibus pectoris et ventris pube subargentea longa vestitis; antennis articulo primo, macula apicali articuli secundi rostri, coxis, femoribus basi, tibiis circiter  $3/5$  apicalibus tarsisque albidis, his apice leviter infuscatis; antennis pallide luteis, articulo tertio versus apicem quartoque infuscatis, articulo secundo latitudine verticis oculique unici vix longiore, tertio secundo circiter  $1/4$  brevior et primo æque longo, quarto duobus præcedentibus simul sumptis parum brevior; hemielytris nigrofuscis, maculis cinereo-pubescentibus notatis, embolio anguloque interiore corii latius fuscescenti-testaceis; membrana albida, vena brachiali et parte interiore areolæ infuscatis. — Long. 2  $1/2$  mill. — San-Esteban.*

*C. CALIGINEO* Stål (= *Perithoo pallidipedi* Dist., loc. cit., p. 302, I, tab. XXIX, fig. 11) *similis, colore rostri, femoribus basi excepta tibiarumque  $2/5$  basalibus nigris nec non pubescentia longiore et densiore mox distinguendus.*

### **Physetonotus**, nov. gen.

*Corpus ovale, capite, pronoto scutelloque nitidis, impresso-punctatis; capite subverticali, basi pronoti magis quam duplo angustiore, basi cum oculis longitudini fere æque lato, infra oculos rostrato-producto, a latere viso brevi et alto, gula vix distinguenda, vertice immarginato, fronte perpendiculari, clypeo sat prominente, sat compresso, a latere viso ubique fere æque lato, leviter arcuato, nonnihil retrorsum vergente, basi a fronte incisura discreta, infra lineam inter apices oculorum ductam posita, angulo faciali recto, genis altis; oculis ovatis medium laterum capituli haud superantibus, orbita interiore subparallelis; rostro articulo primo medium xyphi prosterni attingente; antennis ad apicem oculorum vel mox supra hunc insertis, articulo primo apicem clypei haud superante, secundo latitudine capituli haud vel paululum longiore, versus apicem sensim leviter incrassato, ultimis gracilibus, simul secundo saltem*